

# Алнаш Колхозник

## Правдивость но честность

Мировой история уг тодылы сыче партиез, макем кужмо, макем ужась класслэн интерес'ёсызлы преданной но ужась класслэн но вань ужаса ульсь калыклэн улонэныз матын герзаскемын асьме большевистской партия. Аслаз организованностеныз, дисциплинированностеныз, идейной сплоченностеныз, принципиальной непримиримостеныз асьме партия калыклэсь кужым'ёссэ дасполтыз но вань секит'ёс пырты социализмлэн синмаськымон гормонлык'ёс аз нуиз.

Ленинлэн — Сталинлэн партизы вань испытаниослэсь но солэн сюрес ваменаз султэм вань тушмон'ёслэсь кужмо луиз. Аслыз кужым партия современной обществолэн самой азьмынысь классысьтыз — ужась классысь черпать кариз. „Сыче партилэн членэныз луыны ваньмызлы сэтэмын өвёл. Сыче партилэн членэныз луонэн валче невзгодаосыз но буряосыз выдержат карон ваньмызлы сэтэмын өвёл“ (Сталин).

Большевистской партилэн составез случайно сложиться өз кары. Отчы ужась класслэн азьмынысь мурт'ёсыз, ужаса ульсь калыклэн умоесь представител'ёсыз, куд'ёсызлэн революционной выдержанностьсы котьку ик уж вылын эскериське, лыремын.

Асьмелэн партимы котьку но ужась класслэсь интерес'ёссэ, ужаса ульсь калык'ёслэсь интерес'ёссэ угиз но уте. Партия аслэсьтыз рад'ёссэ классовочуждой элемент'ёслэсь, оппортунист'ёслэсь, массаосын герзетсэс ыштэм адымиослэсь, обюрократиться луэм'ёслэсь, — ог кылын вераса парти радн луыны вань недостойной мурт'ёслэсь регулярно очищаться кариз. Ужась класслэн тушмон'ёсыз асьмелэсь цель'ёссэс но калыкы вредлэсьгонзэс партийной организациослэн рад'ёсазы расстройство пыртон вамен гинэ быдэстыны луоз шуса умой валало. Тини малы большевик'ёс котьку ик нимысьтыз саклыкэн утё партийной рад'ёслэсь чылкытлыкэс.

Большевистской партилэн членэныз луон — бадзым дан но сыче ик бадзым обязанность. Отын, кытын ужаса ульсьёслэн интерес'ёсыз сырьсь ужмын — бадзым-а, пичи уж сырьсь-а — отын коммунист котьку ик азьмынысь луыны кулэ. Озы вал царизм вакытэ — подпольеын, озы вал гражданской война вакытэ, озы со али но, социализм лэсьтонлэн сталинской пятилеткаосыз-

лэн ар'ёсаз. Партилы пумтэн преданность, идейность, кристальной честность, правдивость, скромность, массаосын матын герзаскон — тини чертаос, куд'ёсыз нырьсь ик, коммунистэз отличат карыны кулэ. Сыче благородной чертаосыз асьме партиез, Ленинлэсь — Сталинлэсь партиез основат карисьёслэн, дышетисьёслэн но кивалтисьёслэн котькудйзлэн улон примерьсьтызы адзыны, шбдыны но ошутить карыны луэ.

Асьмелэн партимы ноку но аслэсьтыз цель'ёссэ но задачаосыз өз ватылы. Со задачаосыз быдэ'янэн валче луись секит'ёсыз со ноку но өз ватылы. Озы ик партия котькуд коммунистлэсь но сыче ик честной но правдивой луэмзэ куре.

Двурушничество, лицемерие, пъяськон — ваньмыз со асьме тушмон'ёслэн арсеналысьтыз отравленной оружие.

Буржуазия но солэн партиосыз котьку но калыкыз пъязы но пъяло. Буржуазия но буржуазной политик'ёс асьмелэн цель'ёсы но турттэм'ёсы сырьсь правдаез ужаса ульсь массаослы вераны уг дысьто. Буржуазия, калыклэсь юртэт, яке сочувствие куроно луон дыр'яз, калык азын кескича, пъя. Чапак озы лэсьто асьме партия чуртнаськем подлой троцкист'ёс, зинозевец'ёс, правой отщепенец'ёс но мукетыз антисоветской сволочь асьмелэсь предательской уж'ёссэс пъяськонэн, шыпытэн нуон понна. Со злодей'ёслэн главной чертаосы польсь одйгез двурушничество луэ. Соос, фашистской прихвостень Радеклэн диничко верамез'я „кык пидэ'ем чемаданлэн психологиеныз“ ульзы. Соос котьку но партиез пъязы, ужась классэз пъязы. Соос СССР-ын капитализмез востановить карыны выльсь асьмелэн разбойничей малпан'ёсы сырьсь правдаез ужась классы вераны өз дысьтэ.

Лживость, лицемерие, пъяськон вань мелкобуржуазной партиослэн, вань оппортунист'ёслэн ас пёртэм „первичной признакенызы“ вал. Лицемериен но пъянэн тырмеынь меньшевизмлэн но эсеровчиналэн вань историез. Көня кужым пононо луиз Ленинлы но Сталинлы, быдэсак асьме партилы меньшевик'ёслэсь лицемеризэс разоблачить карон понна, куд'ёсыз асьмелэсь оппортунизмзэс но предательствозэс лживой маска улэ ватыса ульзы. Соос ужасьёс но большевик'ёс азын гинэ лицемерить карыны өз вуре,

соос огзэс огзы но пъязы. Ужась класслы дуннелэн куатетй локетаз полной победа сётись большевистской партия котьку ик калыкен правдивой вал, котьку юн куриз сыче ик правдивостез но честностез аслаз партийной средаяз.

Партилен тушмон'ёсыныз, двурушник'ёсын, лицемер'ёсын асьмеос беспощадной нюр'яськон нуиськом. Партиез өжыт ке но заблуждение пыртыны, сое пъяны вырисьёсын, пичи-а, бадзым ужын-а, асьмелы одйг кадь решительной нюр'яськон нуоно. Пичи пъяськоньсен бадзым пресупление дороз одйг вачыш сяна өвёл. Кия ке аслэсьтыз партиез пичи ужын пъяз, со бадзым пъяськон азын но уз дугды.

Партия азын пырак шонер луон (правдивость) — большевиклэн первейшей обязанностез. Котьмаин партиез пъян мед луоз, сыче мурт одйг минуты но ВКП(б) радн кылыны уг быгаты. Тани, кылсярьсь, Мурадья Манас Моквелович, 1926 арысен ВКП(б) член. Северо-Кавказской краевой комитет сое Азово-Черноморской крайкомлэн распоряженияз ыстыз. Командировочной документ'ёссэ кияз басьтыса, Мурадья соосыз Чувшылыса тунатыз, партилен Московской комитетаз лыктыз но огын назначение басьтыны выри:

Мурадьялэн мар турттэмез сырьсь вераны кулэз ик өвёл. Со партиез пъяны выриз Шонерлэсьтыз КПК-лэн партколлегиез солэсь партийной билетсэ отобрить карыса.

Партиез со гинэ уг пъя, кудыз шонерзэ уг вера, со но пъя, кудыз тушмоно ужлэсь факт'ёссэ тодыса выльсь ватэ. Коммунист-молчалык, кудыз ке тушмонлэн уж'ёсыз сырьсь тодэ но сое партилы уг иворты, со коммунист өвёл ни, тушмонлы юртись со. Сыче уж — шонерак партиез пъям луэ но сыче муртлы парти радн инты өвёл.

Асьме партимы героической уж'ёс лэсьтыз но лэсьтылэ. Ужась класслэн авангардэныз луыса со калыкэз гормонысь гормон'ёсы нуэ. Асьме партилен кужымез солэн благородствозэс но пунктэм целезлэн янностез бордын, Маркслэн-Энгельслэн — Ленинлэн-Сталинлэн великой дышетэмзы бордын, соин со вооружить каремын. Партилен гормонтэм кужымез — солэн боец'ёсызлэн преданностьсы, закаленностьсы, честностьсы бордын.

(„Правдалэн“ 27 февралетя арын перэдвойсьтыз).

## ВКП(б)-лэсь уставзэ тйяло

Партдокумент'ёсыз эскерон но вош'ян ортчытон дыр'я партилен рад'ёсаз известной засоренность шараямын вал. Со уж ВКП(б) радэ выль член'ёс пыртон шоры партийной организациосласянь пренебрежитель но учкон бордысь, партилэсь уставзэ тйян'ёс бордысь потэмын шуса тодмо.

Центральной комитет, ВКП(б) радэ пыртонез өз обновить карон сырьсь пунктмаз, азыланаз ВКП(б) рад'ёслэсь качественной ссоставзэс жутон уж, нырьсь ик, партдокумент'ёсыз эскерон но вош'янысь потэм урок'ёсыз пумозяз усвоить карон бордын луэ шуса, вань парторганизацислы тодазы уськытыз. Со сырьсь партилен райкомез но одйг пол гинэ өз вералля.

Озы ке но, асьме районьсы куд-ог первичной парторганизацислэн кивалтисьёсы но партилен рядовой член'ёсыз ВКП(б)-лэсь уставзэ тйяло на. Райисполкомысь первичной парторганизацисын, партия пыртон ортчытэм интые сочувствующой Моисеев эшез ВКП(б) кандидатэ пореводить каро. Та парторганизациса вунэтэм, сочувствующой со непартийной адыми луэ шуса. Парткомлэн секретарез Спиридонов эш Моисеев эшлы сэтэм рекомендацисыз эскерымтэ. Партилен уставз'я, служащойлы ВКП(б) радэ пыртон понна 10 ар'ем партстажэ рекомендацис ке кулэ, 9 ар'ем стажэ рекомендацисын „пыртыло“. Мальгинов В. Н. но Мазилкин Г. Н. парти член'ёс партстажызы 3—11 толэзылы тырмытэк рекометдацис сётйллям.

Куд-огез коммунист'ёс, рекомендацис интые, справкаос, характеристикаос сёткало (Шурыгин Н. С., Разживин Д. Я., Васильев Я В.), со справкаосазы соос партия пырыны достойной шуса вэобше гожто, ВКП(б) членэ, яке кандидатэ пыртыны рекомендовать уг каро.

ВКП(б)-лэсь уставзэ тйян-тэм понна, партийной делаосыз запугывать карон-тэм понна, вань парторганизацислэн кивалтисьёсылы но коммунист'ёслы партдокумент'ёсыз эскерон но вош'ян дыр'я луэм урок'ёсыз пумозяз усвоить кароно.

Софронов.

## УАССР-лэн Конституцезлэсь проектсэ обсуждать карон

### Асьмелэн шудмы, асьмелэн шумпотонмы

Калык'ёслэн яратон вождылэн, тыросэн лыд'ясыкись векчи выжы калык'ёслэн атайзылэн Сталин эшлэн кивалтэмез'я дуннелэн куатетй локетаз ся йкасыке но будэ Советской Социалистической кун. Соин Чош ик асьмелэн шудо Удмуртской Автономной Советской Социалистической Республикамы но будэ.

Удмуртиялэн Конституцезлэн проектэз — Удмуртиысь калык'ёслэн шудзы но шумпотонмы. Отын, СССР-ысь Конституцисын сямен ик, Удмуртиысь гражданд'ёслы ужаны, шудэтыскыны но дышетскыны правоос гожгэмын. Со правоос улонь азынлыко быдэмыса мыно.

Мон али тракторист'ёсыз дасян курсы дышеткисько. Кылем арын нолэс дасянын ужай, нуналы быдэ ужан нормаме 300 процентлы быдэ'яй Нюлэс ужысь стахановец'ёслэн совещаниязы монэ УАССР-ысь ЦИК-лэн почетной грамотаеныз премировать каризы. Мон тани ой буйгаткы. УАССР-ысь ЦИК-лэн председателз Иванов эш азын трактористэ дышетско шуыса ас вылам обязательство басты.

Бастэм обязательствоме быдэсьяса, курсы дышеткисько ни. Яратско мон тракторез. Ноказы но мон

уг ни чидаськы, ку гинэ тракторе пуксыса бусые потомы.

1937 арын гужём вылтй ХТЗ тракторен 700 гектаргырыса, 15 процентэс горючоз экономить карыны обязательство бастысько.

Антонов,

Алнаш МТС-ысь тракторной курсы дышеткись.

### I кварталлы тупатэм коньдон люкан планлэн I мартозь быдэсмемез

№	СЕЛЬСОВЕТ'ЁС	о/о вераса быдэс.
1	Писеевской	48,1
2	Уд.-Гондыревской	44,8
3	Туташевской	43,2
4	Асановской	41,1
5	Кадиевской	38,9
6	Азаматовской	38,6
7	Вознесенской	37,7
8	Ивановской	36,9
9	Ст.-Утчанской	36,4
10	Муважинской	34,2
11	Кучеряновской	30,2
12	Алнашской	29,7
13	Чем.-Куюковской	29,1
14	В.-Ятчинской	25,4
15	Уд.-Тоймобашской	21,8
16	Б.-Кибьянской	21,3
18	Байтерьявской	21,2
18	Ст.-Юмьинской	21,2
ВАНЬМЫЗ:		32,9



# Сулимовлэн нимыныз нимама колхозысь выли удалтонлыко етин понна нюр'яськись звенолэн агротехнической планэз

1937 арын 2 гектар выльсь гектарлы быдэ 10 центнерлэсь ожытэк етин мертчан поттыны мон обязательство басьтй. Звеноям 5 мурт умоесь колхозник'ёс ужало, соос юн куськызы етин кизёнлы дасяськыны. Минеральной удобринос ваим, интыгысь удобриносыз: пень, тылобурдо кыед, фекалия но мукет'ёссэ дасяськом. Нош ми тодйськом, агротехникаез уже пыртятэк, конкретной агротехнической плантэк выли удалтэм етин мертчан басьтыны сётэм обязательствоез быдэстыны уг луы. Соин ик ми звеномылы быдэсак тулыс но гужем уж'ёслы программаен луис агротехнической план лэсьтым. Тани со.

## Кидыс дасян

Выли удалтэм етин басьтон понна нырысь ик умой кидыс дасяно. Етин кидыс-мес ми триерен сор овать карим но нимысьтыз кидыс шертон „ВНИЛ“ горка машина пыр поттом на. Кидысмылэн потонлыкез 98 процентлэсь уль но чылкытлыкез 100 процентлэсь уль медаз ло. Кидыслэн висён'ёсыныз нюр'яськон понна, етин кидысез ми киземлэсь 2 нунал азьвыл Давыдовлэн препаратныз протравливать каром.

## Муз'емез обработать карон

Етин кизыны ми Тойма шур дурьсь выльвылэз басьтым, азьвыл отчы турым умой уг поты вал. Участокмы сйзыл гырыса кельтэмын өвёл. Тулыс нод суй наштаскемысь дугдэм бере ик ми со выльвылэз культурно гыром, мукет сямен вераса, вылысьтыз ожоме слайзэ плуген басьтом, собере со бервылгй ик плуген мур гырыса кошком. 1-2 нунал ортчыса, муз'ем тэлзэм бере ик „Рандаль“ культиваторен 2 полэс, пласт'ёслы вамен но куяз дисковать карон ортчытом. Озы тыни выльвылэн карас'ёсыз пырдозы. Собере 3-4 полэс умояк усьялом, етин кизыны мешать карись турым выжыосыз сузьялом. Усыям бере, киземлэсь азьвыл пинё яке сэрго ка-

токен волятонэз кулэен лыд'яськом, со муз'емез Чошкыттэ но почвенной слоез тупатэ. Милям участокамы муз'емез обработать каронлэн основной ужрадэныз муз'емез векчи комоко карон луэ, сыче муз'ем мускытэз но омырез умой кутыны быгатэ.

## Муз'емез кыедан

Милям участокамы муз'еммы органической веществосын узыр бере, ми фосфорно-кислой но калийной удобриносын гинэ удобрять каром, мукет сямен вераса, суперфосфатэн но пенен кыедалом. Суперфосфатын фосфорез вань, со мертчан но кидыс кылдонлы юрттэ, нош пень польсы калий—етинэз мертчан карыны но солэсь зечлыкэс умоятыны юрттэ. Суперфосфатэз но калийной солэз дисковать каремлэсь азьвыл сётэм, со мургес мед паскалоз но муз'емен мед сураькоз. Гектарлы быдэ супорфосфатэз 3 центнер но пенез 6 центнер сётэм.

## Етинэз кизён

Муз'емез обработать но удобрить карем берамы ик етинэз кизём. Гектарлы быдэ 1,5 центнер етин кизыны тупатим. Сое кыин, кечат ветлыса кизем, мукет сямен вераса, нырысь 75 килограммзэ куяз, огпала кизыса мяном, кылемзэ 75 килограммез солы вамен кизём. Озы кизыса, кидыс'ёс му вылэ огкадь усё, соин ик муз'емьсь сион но мускытлык басьтыны но умой луэ. Кизем вылти нимысьтыз лэсьтэм усыем усьялом, 2—2,5 сантиметр мурда согом, солэсь мур ке чоқтад милям кадь гордсуй муз'емьсь со умойтэм луоз. Кизем бере, кынтылон'ёсын, пёсь куазен но муз'ем талькак куасьмонэн нюр'яськон понна, торфен мульчировать карон ортчытом, торфез ми Тойма шур дурьсь нюр интыосысь ик дасялом. Мульчировать карон понна гектарлы быдэ 30 тонна торф кулэ.

## Узымез утялтон, сюдон но ву кисьтан

Етинмы 10 сантиметр жужда ке луиз, соку ик отысь жагзэ уром, озы ик

азыланэз но жаг-турым потыны маза ум сётэ. Етинлэн 10 сантиметр жужда лаез вакытэ ик, эшто но чалык будэтон понна, сое ми тылобурдо кыедэн сюдом, гектарлы быдэ сое 5 центнер но калийной солэз 1 центнер сётэм. Тылобурдо кыедэз 6 люкет ву поныса кизертном но вышкыосын суралом, собере соин нимаз лэсьтэм бекчее поныса етинэз кисьталом. Нырысь озы кисьтам бере 1,5—2 арня ортчыса, кыктэтйзэ аммиачной селитраен кисьталом, сое гектарлы 60 килограмм кисьтом. Кулэ ке луиз етин вылэ пожарной машинаосын ву кисьталом. Етинлэн вредительёсыныз нюр'яськыны дасяськон понна кыбыосыз кутылон лэсьтом но нимысьтыз ядо-химикат'ёс дасялом.

Ми оскиськом, вань выли верам агротехнической ужрад'ёсыз ке ужен быдэстим, котькуд квадратной метрлы быдэ 2500—3000 умой етин модос'ёс 90—100 сантиметр жужда будэтом, со бордысен ик гектарлы быдэ 10 центнер етин мертчан басьтыны быгатом.

## Етинэз октон но обработать карон

Етинэз вазь—сюсь кадь чуж вакытаз етиналлом, сое цвэтэз'я, кузьдалаез'я но зокталаез'я нимаз вис'яса октом. Озы етиняса, етинэз вёлдон уж'ёс но огкадь мынозы. Чылкыт куазен етин аныос му вылаз куасьмем бере, яке зоркотэн аныосыз липет улын куасьтэм бере, сое „Элди“ машинаен кутсалом. Кутса быдтэм бере ик сое чошкыт возь выл'ёсы вёлдом. Вёлдэм бере 2 арня ортчыса, етинэз кузэсь бодыосын берыг'ялом, одйгакдь со мед тыалоз. Вёлдэм етинмес вискарытэк чакла са возём, пудоос туганы медаз шедьтэ, медаз лущкалэ, озы ик мултэс но медаз тыа.

Етин сэстон но шуккон уж'ёсыз агротехнической правилоос'я гинэ быдэс'ялом, тырос но зечлыко мед потоз етин мертчанмы.

Звеньевод **ТОКАРЕВА МАРИЯ.**

# Котькуд выли удалтонлыко етин понна нюр'яськись звенолы — агротехплан

Сулимовлэн нимыныз нимама колхозысь выли удалтонлыко етин понна нюр'яськись звенолэн агротехнической планэз умой лэсьтэмын. Со 1937 арын етинлэсь выли удалтэм мертчан басьтыны обязательство кутэм районьсь вань звеноослы примерной планэн луыны быгатэ.

Озы ке но, верано лыктэ, котькуд колхозын асьсэлэн пёртэмлык'ёссы луыны быгато: муз'емлэн пёртэмлыкэз, етинлэсь азьвыл кыче юос киземын вал но мукетыз. Соин ик агротехплан лэсьтыку тае ужрад'ёсыз лыдэ басьтоно.

Етин улэ клевер интыос, выльвыл'ёс гинэ тырмыт өвёлэз лыдэ басьтыса, куд колхоз'ёсын, бригадоосын но звеноосын етинэз ваньзэ, яке кёняке люкетсэ огшоры небыт муз'еме кизёно луозы. Сыче небыт азе кизён дыр'я етинэз гектаре 1,2—1,3 центнер кизёно. Небыт муз'емьн органической веществосыз ожыт бере, сыче муз'емез вань тусо удобриносын ик кыедано: азотной, фосфорной но калийной, соосыз гектар вылэ сётено нормаез но будэтоно. Примерно гераса, сульфат-аммониез—2 центнер сётено (со өвёл нур'я тылобурдо кыедэз 8 центнер пононо), суперфосфатэз — 4 центнер но пенез — 8-10 центнер, яке калийной солэз—2 центнер.

Сйзыл лымы улэ гырыса кельтэм небыт муосыз

кизём азэлы обработать кароуз тулыс 1-2 полэс усьяло бордысен кутсконо, собере зябез 2 полэс, куяз но вамен, 8-10 сантиметр мурдала культивация лэсьтоно Пуксем но юнмаи муз'емо интыосын культивация орчгытэн интые зябез выльысь, сйзыл гырем сярэсь 3-4 сантиметрлы лаэггес гыроно. Удобриносыз, правилоен карыса, зябылы культивация орчгытэмлэсь азьвыл сётено, нош солэсь но умойгес, тулыс лымы шунам бере ик, чукна кын вылти пазян луэ. Удобриносыз кизён азын, усы улэ гинэ поныны лэзёно өвёл, малы ке шуид, соку пайдаез ичи луэ.

Небыт муосыз катокен волятон кизем бере гинэ но ву кисьтан куазь кёс луон дыр'я гинэ рекомендовать карыське.

Етин узьымез фекалиен сюдон дыр'я, сое нимаз лэсьтэм гуосын, 10 люкет вулы 1 люкет фекалия поныса сураса дасяно. Сыче расствор шоро лыдын вераса 1 гектар вылэ 15 тонна кулэ. Кыед вузэз подкормкалы озы ик 15 тонна сётено, сое одйг люкетсэ 5 люкет вузэн сурано.

Вань агроном'ёслы, колхоз'ёсысь агротехник'ёслы но колхоз правленийслы выли удалтонлыко етин понна нюр'яськись звеноослы агротехнической план'ёс лэсьтыны юрттоно.

Райагроном **КАРАЧЕВ.**

# Кунгож съёрын

## Испаниысь республиканец'ёслэн ужзы умоя

Испаниысь мукет кунпуш ужпум'я министр Альварес дель-Вайо Испанилэн положениез сарысь тазы гожтэ: „Фронт'ёсын положение та кык арня куспын шёдскымон умояз. Мятажник'ёс Малагаез басьтэм бере, республиканской армия тупаткыны уз быгатыни шуса кунгож съёрын малпало вал. Правительственной войскоос храмской фронтын (Харма шур дурь) инициативазэс кызы кутызы. Овьедо котырын азиялык'ёс вань. Бискайской фронтын наступление кутскемын, Республиканской армия кужыме бадзым. Соин ик азыпалан войналэн азиялык'ёс бырозлы мон оскисько.“

Войналэн мынонэз мятеж-

ник'ёслы мукет кун'ёслэя юрттэмзы бордысь луоз. Война фактически декабрь толэзлэн берпум нунал'ёс аз ик быремын вал ни, Мадрид котырысен противникез быдтэм дырысен. Итальянской но германской солдат'ёслэн вуэменнызы гинэ мятежник'ёслэн осконлыксы Жугскиз но, соос калыкен но снаряжением юрттон ялан мыноз шуыса оско вал.

Малагаез ыштэм беразы вань партиослэн вормон вылысь огазеяськон мылкыдзы Жугскиз. Калык фронтысь вань партиос дисциплинаез юнматон понна но властез правительстволэн кыз басьтон понна верасько,—шуэ на Альварес дель Вайо.

## Нылкышнобслэн демонстрацизы

Париж, 27. Гаваслэн ивортэмез'я, Барселонаын толон демонстрация ортчиз, отын уно сюрс нылкыш-

ноос участвовать карызы. Демонстранткаоос регулярной народной армия кылдытны куризы.

## Дасяськиськом

Кадик сельсоветысь, 17 партс'ездлэн нимыныз нимама колхозын кизёнлы дасяськон мясчаник чоже 610 тонна кыед поттэмын, 5 тонна фекалия, 1,5 тонна пень дасямын, 1 тонна минеральной кыед ваемын.

Сельхозинвентарез тупат'ян быдэстэмьн, кидыс шертэмын. **Г. В.**

Редакторез воштысь **И. КУЗНЕЦОВ.**

Поттысь **РАЙСПОЛКОМ.**

Рейлит № 199. Аляшская типография Удмполиграфтреста.

## Отын, кытын колхоз председател'ёс уг сюлмасько

Чем.-Куюк сельсоветысь „Горд кизили“ колхозын тулыс кизыны дасяськонэ ёз на кутске. Та дырозь бусые 1 короп но кыед поттымтэ, минеральной удобринос вайымтэ, пенез люкатэк нюк улэ кисьтало. Вал'ёслы куроэз известковать карыса сюдон организовать карымтэ. Колхозник'ёсыз но колхозникаосыз агротехучебаен охватить карем интые, кол-

хоз правлени сое ачиз куашкатэ.

Та сельсоветысь ик „Победа“ но „Буря“ колхоз'ёсын но уж сыче ик. „Победа“ колхозын кизыны дасям кидысэз чик шертятэк складэ кисьтамын. Вылаз ик куасэн парьмон лымы. Вал сюдыны дасям фураж вылэ зоркот усьяса, ломен бераллямон кынемьн. Озы ик ноыче удобринос люкамтэ. Агро-

техкружок кылдытэмын ке но, колхозник'ёс посещать уг каро.

„Буря“ колхозлэн председателез **Мохов** колхозник'ёсыз но колхозникаосыз агротехучебае люкам интые, участковой агротехникез сантэма, кёляны квартира но уг сёты.

Тае уж'ёс чидантэм. Райзолэз та ласянь ужрад кутыны куриськом.

Агротехник **А. Елкиба**